

PRU13 penentu survival orang Melayu
Utusan Online
15 September, 2012

PEKAN 15 Sept. - Perdana Menteri, Datuk Seri Najib Tun Razak berkata, Pilihan Raya Umum Ke-13 nanti bukanlah sebarang pilihan raya tetapi penentu kepada survival bangsa Melayu.

Menurutnya, orang Melayu perlu sedar hanya UMNO yang menjadi parti teras dalam Barisan Nasional (BN) yang akan dapat meneruskan perjuangan bangsa dan agama.

Katanya, oleh yang demikian orang Melayu dan anggota UMNO perlu bersatu hati dalam menangani cabaran pada pilihan raya umum akan datang.

``Pilihan Raya Umum Ke-13 bukan sekadar soal menang atau kalah tetapi soal survival orang Melayu, tanah air kita," katanya ketika berucap pada majlis penutup Persidangan Perwakilan UMNO Bahagian Pekan di sini hari ini.

Kata Najib yang juga Ketua UMNO Bahagian Pekan, jika mahu kekalkan teras pemerintahan, pastikan UMNO menang dan jika sebaliknya berlaku, buruk padahnya kepada orang Melayu.

Hakcipta Terpelihara © UTUSAN MELAYU (M) BERHAD

Source: http://www.utusan.com.my/utusan/Dalam_Negeri/20120915/dn_34/PRU13-penentu-survival-orang-Melayu